

Saltfiskur (þurr), 60 aurar fyrir hver 100 kg.  
 Saltfiskur (óverkaður), 40 aurar fyrir hver 100 kg.  
 Hraðfrystur fiskur, 50 aurar fyrir hver 100 kg.  
 Fiskinjöl, 40 aurar fyrir hver 100 kg.  
 Frosin síld, 25 aurar fyrir hver 100 kg.  
 Olía, 40 aurar fyrir hver 100 kg.

137

30. sept.

Reglugerðarbreyting þessi staðfestist hér með samkvæmt hafnarlögum fyrir Keflavík, nr. 23 26. febrúar 1943, til þess að öðlast þegar gildi, og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 30. september 1944.*

**Vilhjálmur Þór.**

*Páll Pálmason.*

## AUGLÝSING

138

2. okt.

um afnám reglugerðar nr. 75 16. maí 1944, um skömmtnun á kaffibæti.

Reglugerð nr. 75 16. maí 1944, um skömmtnun á kaffibæti, fellur hér með úr gildi.

*Viðskiptamálaráðuneytið, 2. október 1944.*

**Björn Ólafsson.**

*Torfi Jóhannsson.*

## SAMÞYKKT

139

3. okt.

fyrir Vatnsveitufélag Hveragerðis.

1. gr.

Nafn félagsins er: Vatnsveitufélag Hveragerðis.

2. gr.

Heimilisfang félagsins er í Hveragerði í Árnessýslu og varnarþing þess í Ölfushreppi í sömu sýslu.

3. gr.

Verkefni félagsins er að sjá félagsmönnum fyrir nægu og góðu vatni, til heimilis- og búsparfa, iðnaðar og iðju, án orkunýtingar, með því að leggja vatnsæð um vegi og óbyggð svæði að Hveragerði og um götuæðar um Hveragerði, samkvæmt núverandi skipulagsuppdraetti, halda vatnsveitunni við og annast rekstur hennar.

Vatnsveitufélagið hefur einkasölu á vatni til hverra nota sem er á félagssvæðinu.

4. gr.

Félagssvæðið er landsvæði það, sem merkt er á uppdraetti skipulagsstjórans, dags. 2. október 1944., en landsvæði þetta takmarkast þannig:

Vesturhlið: Geysir—Núpahnúkur að þjóðvegi.

- 139** Norðurhlið: Baðstofuhver—Geysir.  
 3. okt. Suðurhlið: Þjóðvegurinn austur að Varmárbrú frá punkti þeim, sem línan úr Geysi í Núpahnúk sker þjóðveginn.

Austurhlið: Vesturbakki Varmár milli Baðstofuhvers og Varmárbrúar.

Umráðamenn (eigendur og leigjendur) landareigna á þessu svæði og þar með félagar í vatnsveitufélaginu eru þeir, sem tilgreindir eru á sérstakri skrá, sem er í vörzlum félagsstjórnar.

#### 5. gr.

Nú óska nýir menn inngöngu í félagið og skulu þeir þá senda stjórn félagsins skriflega umsókn þar um. Telji stjórnin að skylt sé samkvæmt landslögum að veita umsækjendum inntöku, getur hún gert það, ef umsækjendur skuldbinda sig til að hlíta samþykkt félagsins og þeim sérstöku skilyrðum, er félagsstjórn kann að setja umsækjendum. Að öðrum kosti skal stjórnin leggja umsóknir um inntöku í félagið fyrir félagsfund.

#### 6. gr.

Um úrsögn úr félaginu fer sem segir í 111. gr. vatnalaga, nr. 15 20. júní 1923.

#### 7. gr.

Lögmætir félagsfundir hafa æðsta vald í öllum félagsmálum með þeim takmörkunum, sem í samþykkt þessari getur. Félagsfundir eru lögmætir þegar löglega hefur verið til þeirra boðað, án tillits til þess, hve margir sæki fundi, nema öðruvísi sé sérstaklega ákveðið í samþykkt þessari.

#### 8. gr.

Aðalfundur félagsins skal haldinn innan félagssvæðisins í síðasta lagi fyrir lok febrúarmánaðar ár hvert. Skal stjórnin boða til hans með að minnsta kosti tveggja vikna fyrirvara.

Dagskrá skal greina í fundarboði.

#### 9. gr.

Aukafundi skal halda þegar stjórn félagsins þykir við þurfa, samkvæmt fundarályktun, eða þegar þess er krafist af minnsta kosti 5 félagsmönnum. Skal jafnframt kröfunni um fundinn skýrt frá því, í hvaða tilgangi fundarins er krafist. Skal stjórnin þá boða fundinn innan 14 daga frá því krafan kom henni í hendur, ella geta félagsmenn gert það sjálfir. Aukafundur skulu haldnir á sama stað og boðað til þeirra á sama hátt og til aðalfunda, shr. 8. gr. Dagskrár sé getið í fundarboðinu, enda verður aðeins tekin ályktun um þau mál, sem nefnd hafa verið í fundarboðinu, nema að minnsta kosti  $\frac{1}{3}$  fundarmanna samþykki annað.

#### 10. gr.

Hver félagsmaður hefur eitt atkvæði á fundum félagsins.

Félagsmenn mega fela öðrum að fara með atkvæði sín á fundum, en stjórnendur geta eigi farið með umboð fyrir aðra.

#### 11. gr.

Aðaltillögur þær, sem koma eiga fram á félagsfundum, skulu vera til sýnis hjá formanni félagsins 3 dögum fyrir fundinn. Þó má gera undantekningar frá þessu á fundum með  $\frac{1}{3}$  greiddra atkvæða. Viðauka- og breytingartillögur við aðaltillögur, sem löglega eru fram komnar, má bera upp á fundinum sjálfum, þó félagsmönnum hafi eigi verið gefinn kostur á að kynna sér þær.

Prem dögum fyrir hvern aðalfund, skal reikningur félagsins fyrir hið liðna

ár, ásamt athugasemdum endurskoðenda, svörum félagsstjórnar og tillögum endurskoðenda til úrskurðar, vera til sýnis fyrir félagsmenn hjá formanni félagsins. 139 3. okt.

## 12. gr.

Félagsfundum stjórnar fundarstjóri, sem fundurinn kýs, og kveður hann sér fundarritara. Fundarstjóri sker úr öllu, sem snertir lögmati fundarins, form umræðna, meðferð mála á fundum og atkvæðagreiðslur. Þó skulu þær fara fram skriflega, ef einhver fundarmanna krefst þess.

## 13. gr.

Á aðalfundi skulu tekin fyrir þessi mál:

- Stjórn félagsins skýrir frá gerðum sínum og framkvæmdum á liðnu starfsári, leggur fram til úrskurðar endurskoðaða rekstrarreikninga fyrir hið liðna ár og efnahagsreikning með athugasemdum endurskoðenda, svörum stjórnarinnar og tillögum til úrskurðar frá endurskoðendum.
- Kosin stjórn félagsins og endurskoðendur, samkvæmt ákvörðun samþykktar þessarar.
- Umræður og atkvæðagreiðslur um önnur mál, sem upp hafa verið borin löglega.

## 14. gr.

Afl atkvæða ræður úrslitum á félagsfundum. Þar sem tveir eða fleiri fá jafnmörg atkvæði við kosningu stjórnenda eða endurskoðenda, skal hlutkesti ráða. Samþykktum félagsins verður þó eigi breytt nema á fundi þar sem mættir eru a. m. k.  $\frac{3}{4}$  félagsmanna og breytingar samþykktar með  $\frac{3}{4}$  greiddra atkvæða á fundinum. Ef eigi sækja nógu margir slíkan fund, skal boða til nýs fundar innan 14 daga á sama hátt og segir í samþykkt þessari.

Ræður sá fundur málinu til lykta með  $\frac{3}{4}$  greiddra atkvæða, án tillits til þess, hve margir félagsmanna sækja fundinn.

## 15. gr.

Rita skal í sérstaka gerðabók allar fundarsamþykktir og stutta skýrslu um annað, er gerist á fundum félagsins. Fundargerðin skal lesin upp í fundarlok og borin undir atkvæði og undirskrifuð af fundarstjóra og fundarritara. Þessi fundarskýrsla skal vera full sönnun þess, er farið hefur fram á fundinum.

## 16. gr.

Stjórn félagsins skal skipuð 5 mönnum úr félaginu, sem aðalfundur kýs til eins árs í senn. Fyrsta stjórn félagsins sé kosin á stofnfundi. 3 stjórnarmenn skulu kosnir til vara.

## 17. gr.

Stjórnin skiptir með sér störfum þannig, að einn sé formaður, annar gjaldkeri, þriðji ritari og tveir meðstjórnendur. Á fundum stjórnar ræður afl atkvæða úrslitum. Stjórnin heldur fundi þegar formanni þykir við þurfa, en auk þess er formanni skylt að boða til funda þegar einhver meðstjórnenda krefst þess. Það, sem gerist á stjórnarfundum, skal bóta í gerðabók félagsins, og ritar stjórnin undir. Ályktanir á stjórnarfundum eru því aðeins löglegar, að þrír stjórnendur a. m. k. séu á fundum, enda séu þeir sammála um atriði þau, sem ráða á fram úr. Stjórnin ræður öllum félagsmálum milli funda og getur skuldbundið félagið og eignir þess með ályktunum sínum og samningum, þar á meðal veðsett þær.

Þó þarf samþykki allra stjórnarmanna til að veðsetja eignir félagsins. Stjórnin hefur umráð vatnsveitunnar og annast öll framkvæmdastörf, þar á meðal að sjá

- 139 um lagningu vatnsveitunnar að öllu leyti, ákveða hvar og hvenær vatnsæðar skuli  
3. okt. lagðar, semja um kaup á öllu efni og áhöldum til vatnsveitunnar og alla vinnu við hana. Félagsstjórnin hefur og vald til að taka lán fyrir vatnsveitufélagið og veðsetja eignir þess til tryggingar, svo sem fyrr segir. Gjaldkeri innheimtir vatnsskatt og allar aðrar tekjur félagsins og kvittar fyrir.

## 18. gr.

Félagsstjórnin setur þær reglur, sem hún telur við þurfa um notkun vatnsins og meðferð þess, svo og um meðferð á vatnsæðum og tilhögun húsæða, efni í þær og vidd þeirra. Til þess að vatnsæð verði lögð frá aðalveitunni í hús, þarf skriflegt samþykki félagsstjórnarinnar og mega eigi framkvæma það starf né lögn húsæða, breytingar eða aðgerðir á þeim, aðrir en þeir, sem löggiltir eru vatnsvirkjar eða þeir, sem félagsstjórnin löggildir vatnsvirkja fyrir vatnsveitufélagið.

## 19. gr.

Félagsstjórninni eða eftirlitsmönnum, sem hún skipar, er heimilt að fara í hús félagsmanna til þess að athuga vatnsæðar og tæki þau, er sett eru í samband við þær. Nú þykir félagsstjórninni eða eftirlitsmanni útbúnaði ábótavant að einhverju leyti og skal þá félagsmaður tafarlaust bæta úr því á þann hátt og innan þess tíma, sem félagsstjórnin eða eftirlitsmaður leggur fyrir, að öðrum kosti getur félagsstjórnin látið framkvæma verkið á kostnað félagsmanna.

## 20. gr.

Félagsstjórninni er heimilt að loka vatnsæðum fyrir þeim, sem eigi greiða vatnsskatt á réttum gjalddaga, vanrækja aðgerðir samkv. 19. gr. eða eftir ítrekaðar áminningar, eyða vatni að óþörfu eða nota það svo óþrifnaði valdi, hvort tveggja að dómi félagsstjórnar. Sama er og ef félagsmaður vanrækir að halda vatnsæðum sínum vel við, að álitu félagsstjórnar, vanrækir að gera við þær, ef þær bila, eða gætir þess ekki að forðast að frjósi í vatnsæðum. Fullan vatnsskatt ber að greiða einnig þann tíma, sem vatnsæð er lokað.

## 21. gr.

Starfsár félagsins er almanaksárið.

## 22. gr.

Til þess að standast kostnað þann, sem félagsskapurinn hefur í för með sér, skulu félagsmenn greiða vatnsskatt samkvæmt gjaldskrá, sem félagsstjórnin setur. Vatnsskattinn má taka lögtaki og skal hann tryggður með lögveðrétti í hlutaðeigandi fasteign næstu 2 ár eftir gjalddaga með forgangsrétti fyrir hvers konar samningsveði og aðfararveði. Gjaldtagi á vatnsskatti er 1. ágúst ár hvert.

## 23. gr.

Aðalfundur kýs tvo endurskoðendur og 1 til vara, til eins árs í senn. Stofnfundur kýs fyrstu endurskoðendur og varaendurskoðanda.

Fyrir lok janúarmánaðar ár hvert skal gjaldkeri hafa lokið við reikning félagsins undanfarið starfsár og afhent hann endurskoðendum. Með útgjöldum skulu í reikningum taldar þær upphæðir til frádráttar á bókuðu eignarverði félagsins, sem félagsstjórn ákveður. Endurskoðendur skulu ljúka endurskoðuninni innan viku frá því reikningurinn kom þeim í hendur og afhenda hann formanni félagsstjórnar með athugasemdum sínum. Síðan skal félagsstjórn svara tafarlaust athugasemdum endurskoðenda og endursenda endurskoðendum, sem gera tillögur til úrskurðar

innan viku frá því þeir fengu svör stjórnarinnar og fá síðan formanni félagsins 139 aftur reikninginn. Endurskoðendur skulu jafnan hafa aðgang að öllum bókom, 3. okt. skjölum og sjóði félagsins til eftirlits.

#### 24. gr.

Aðalfundur getur ákveðið að leggja í endurnýjunar- og varasjóð tekjuafgang félagsins að öllu eða nokkru leyti, og má félagsstjórn eigi nota það sjóðfé nema með samþykki félagsfundar.

#### 25. gr.

Brot á samþykkt þessari varða sektum allt að 500 kr. og renna þær í félags-sjóð.

Með mál út af brotum á samþykktinni skal farið að hætti almennra lögreglu-mála. Sama og um brot á samþykkt þessari gildir og um brot á reglum þeim, sem settar eru um einkarétt félagsins til vatnssölu.

#### 26. gr.

Félagsmönnum er skylt að fara vel með vatnsæðar og önnur mannvirki fé-lagsins og skulu skemmdir á þeim varða sektum allt að 500 kr. auk skaðabóta eftir almennum reglum.

#### 27. gr.

Um tillögur til slita á félaginu fer eftir sömu reglum sem um breytingar á samþykkt þessari. Félaginu skal slíta samkvæmt ákvæðum 112. gr. vatnalaga, nr. 15 20. júní 1923. Fundur sá, sem ákveður að slíta félaginu, kveður og á um, hvernig ráðstafa skuli eignum félagsins og greiðslu skulda. Jafnframt skal fara eftir 113. gr. téðra laga eftir því sem við á.

Samþykkt þessi staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 3. október 1944.*

**Vilhjálmur Þór.**

*Gunnl. E. Briem.*

## AUGLÝSING

um breyting á gjaldskrá nr. 173 1. september 1943, fyrir heimæðar  
Hitaveitu Reykjavíkur.

140

10. nóv.

3. gr. gjaldskrárinnar verði svo hljóðandi:

Gjalddagi heimæðagjaldsins er hinn 1. næsta mánaðar eftir að húsið fær sam-band við hitaveitukerfi bæjarins og reikningur fyrir gjaldinu er sendur húseiganda (húsráðanda). Með samningi við húseiganda má þó veita gjaldfrest á heimæða-gjaldinu, þannig að það verði greitt að fullu með allt að 5 árlegum afborgunum,  $\frac{1}{5}$  hluta hverju sinni. Greiða skal þá 6% ársvexti af þeim hluta gjaldsins, sem eftir stendur á hverjum tíma og enn fremur skal húseigandi undirrita skuldaviðurkenn-ingu til bæjarsjóðs (hitaveitunnar).

Gjaldskrárbreyting þessi, sem er samin og samþykkt af bæjarstjórn Reykja-víkur, staðfestist hér með samkvæmt lögum nr. 38 12. febrúar 1940, um hitaveitu